

疆

邨

詞

賸

稿

彊邨詞原序

新文藝出版社藏書

漚尹大兄閣下前上書之次日郵局卽將東塾讀書記無邪堂畚問各書交來大集琳琅讀之尤歆快無量日來料量課事訖卽焚香展卷細意披吟宛與故人酬對昨况夔笙渡江見訪出大集共讀之以目空一世之況舍人讀至梅州送春人境廬話舊諸作亦復降心低首曰吾不能不畏之矣夔笙素不滿某某嘗與吾兩人異趣至公作則直以獨步江東相推非過譽也若編集之例則弟日來一

再推求有與公意見不同之處請一陳之公
詞庚辛之際是一大界限自辛丑夏與公別
後詞境日趨於渾氣息亦益靜而格調之高
簡風度之矜莊不惟他人不能及卽視彊邨
己亥以前詞亦頗有天機人事之別鄙意欲
以己見庚子秋詞春蟄吟者編爲別集己亥
以前詞爲前集而以庚子三姝媚以次以汜
來者爲正集各製嘉名各不相雜則後之讀
者亦易分別叔問詞刻集勝一集亦此意也
至於去取則公自爲沙汰之嚴已毫無塵雜

俟放暑假後再爲吹求續行奉告自世之人
知學夢窗知尊夢窗皆所謂但學蘭亭面者
六百年來真得髓者非公更有誰耶夔笙喜
自詫讀大集竟浩然曰此道作者固難知之
者並世能有幾人可想見其傾倒矣拙集旣
用味梨集體例則春明花事諸詞其題目擬
金明池下書扇子湖荷花題序則另行低一
格而去其第一第二等字似較大方公集去
之良是體例決請如此改繕暑假不遠擬之
若耶上冢便游西湖江干暑溼不可久留南

方名勝當亟游以便北首此頌起居弟王鵬
運再拜上言五月廿六日

予素不解倚聲歲丙申重至京師半塘翁
時舉詞社強邀同作翁喜獎借後進於予
則繩檢不少貸微叩之則曰君於兩宋涂
徑固未深涉亦幸不睹明以後詞耳貽予
四印齋所刻詞十許家復約校夢窗四稿
時時語以源流正變之故旁皇求索爲之
且三寒暑則又曰可以視今人詞矣示以
梁汾珂雪樊榭稚圭憶雲鹿潭諸作會庚

子之變依翁以居者彌歲相對咄咄倚茲
事度日意似稍稍有所領受而翁則翩然
投劾去明年秋遇翁於滬上出示所爲詞
九集將都爲半塘定彙且堅以互相訂正
爲約予強作解事於翁之閔指高韻無能
舉似萬一翁則敦促錄副去許任刪削復
書至未浹月而翁已歸道山矣自維劣下
靡所成就卽此趨趨小言度不能復有進
益而人琴俱逝賞音闕然感歎疇昔惟有
腹痛旣刊翁半塘定彙復用翁悵薤存拙

詞若干首姑付劄氏卽以翁書弁之首以
永予哀云乙巳夏五月上疆邨人記

疆邨詞賸稿目錄

卷一

高陽臺

木蘭花慢

鷓鴣天

滿江紅

瑞鶴仙

浣谿沙

南浦

翠樓吟

綺寮怨

丹鳳吟

迷神引

念奴嬌

還京樂

鳳池吟

解連環

卜算子

一一調

氏州第一

渡江雲

浣谿沙

好事近

減字木蘭花

鷓鴣天

清平樂

步蟾宮

惜秋華

齊天樂

朝中措

采桑子

清平樂

鷓鴣天

小重山

一落索

太常引

夜游宮

虞美人影

極相思

戀繡衾

夜行船

訴衷情

謁金門

浣谿沙

柳梢青

杏花天

少年游

蝶戀花

滿宮花

上行杯

醉花陰

憶秦娥

燭影搖紅

巫山一段雲

品令

醉鄉春

減字木蘭花

鶴冲天

蕃女怨

宴瑤池

二調

西谿子

四字令

十二時

西江月

憶王孫

醉花間

慶春時

甘草子

虞美人

酒泉子

思越人

遐方怨

梁州令

鋸解令

望江南

玉樓春

七調

菊花新

睿恩新

鳳銜杯

二調

秋夜雨

一翦梅

摘紅英

茶餅兒

醉垂鞭

浪淘沙

八聲甘州

尉遲杯

天香

水龍吟

摸魚子

桂枝香

驀山谿

絳都春

金明池

大聖樂

帝臺春

八犯玉交枝

夢橫塘

夜飛鵲

鷓鴣天

玲瓏四犯

淒涼犯

解連環

玉京秋

金縷曲

月下笛

尾犯

陌上花

念奴嬌

惜秋華

長亭怨慢

卷二

三姝媚

婆羅門引

菩薩蠻

五調

還京樂

綠蓋舞風輕

角招

采綠吟

解蹀躞

點絳脣

二調

蘭陵王

楊柳枝

四調

花犯

轉應曲

拋毬樂

二郎神

阮郎歸

南鄉子

九調

陌上花

清平樂

虞美人

鷓鴣天

二調

高陽臺

點絳脣

聲聲慢

采桑子

清商怨

拋毬樂

婆羅門引

洞仙歌

月華清

三姝媚

塞翁吟

綺寮怨

水龍吟

更漏子

哨徧

浪淘沙

高陽臺

琵琶仙

聲聲慢

浣谿沙

三調

暗香

浣谿沙

聲聲慢

探芳信

玲瓏四犯

楊柳枝

四調

齊天樂

木蘭花

三姝媚

慶春宮

鷓鴣天

阮郎歸

二調

木蘭花慢

二郎神

采桑子

五調

訴衷情

唐多令

清商怨

應天長

鷓鴣天

被花惱

菩薩蠻

惜紅衣

四調

解蹀躞

好事近

小重山

紅林擒近

念奴嬌

新雁過妝樓

念奴嬌

聲聲慢

高陽臺

鷓鴣天

琵琶仙

蝶戀花

大酺

一萼紅

蕙蘭芳引

竹馬子

卜算子慢

江南春

望海潮

浣谿沙

木蘭花慢

鷓鴣天

石州慢

燭影搖紅

八聲甘州

臨江仙

漁家傲

暗香疏影

倒犯

疆邨詞牘稿卷一

歸安朱孝臧古微

前集

高陽臺殘雪

飄樹煙零封堦粉退餘寒猶在落文畫意無
多尋常埋沒芳塵斜陽著意相憐惜是愁心
不耐溫存且銷他一額涼蟾來伴深尊東
闌步玉人歸否牘篝香半地衾繡孤溫依約
檐聲隔簾滴到黃昏朝來便化春潮去問何
人省識冰魂謝東風不當花看爲剗愁根

木蘭花慢 題半塘老人秋窗憶遠圖

爲況夔笙舍人拓寄江總樓霞殘碑而作

冶城山翠裏幾深淺白門潮恁壁滿花穠等閒換了碑老落彫迢迢盪青谿恨有滄桑依樣惹魂銷眼底江鴻不落天邊遼鶴空招巖椒禪語況淒寥無句挽仙橈算抗疏功名分賤伴侶一例飄蕭今宵酒醒月落怕西風吹雪上顛毛卷起一封翠墨傷心都付南朝

鷓鴣天

玉護香圍憶未眞相思酒畔惹春根前身蓮
葉谿頭水後夜梨花夢裏雲 人有信事無
痕淺吟閒醉莫銷魂圓蟾未上斜陽落數盡
新鴻且閉門

滿江紅 驚翁營生壙於半塘之麓賦詞

廣徵同人和作謂他日刻之山中視螭首豐碑風味當差勝也

不信詞仙到今日埋愁無地手提得養生四
印寤歌獨寐汗漫故耽塵外賞虺隤未換人
閒世傍要離穿冢爾何心長安市 文字障

櫂椎事分付與東流水算不如料理櫛湖歸
計納息開軒誰伴侶閉關荷鍤終兒戲問神
山風引輒迴舟如何是

瑞鶴仙 上斜街新居爲查德尹先生宅

與顧俠君小秀野草堂鄰並俠
君閩邱集中嘗詠之中庭篁木
疏秀一藤蒼然相傳是德尹手
植鄭叔問爲作斜街補屋圖漫
書此解或亦他日考坊巷者之
一助焉

車塵蘿薜礙有查浦琴尊舊巢痕在寒流鳳
城背又西峰半萼向人橫黛佳鄰慣買便家
具殘書共載惜餘香淒入珍叢容易酒邊憔悴
休怪百年喬木三宿空桑等閒一慨吾
廬恁愛藏身耳萬人海屬勞禽須識風枝三
帀莫當棲香客待倦黃昏愁倚荒闌瘦藤獨
對

浣谿沙 西塘感舊

曲裏春魂未可招橫塘笛起雨瀟瀟溼煙寒
柳驛西橋 一水將愁銷舊約亂峰如笑理

新嬌今年閒煞木蘭橈

南浦春水用碧山韻

南浦縠紋生是昨宵雨痕新黛吹染一碧煥
溶溶天涯路江郎暗魂銷徧傷春刻意舊情
羞學迴波淺錦鱗欲寄無好夢腸斷東流花
片幾回聚別江干看渚宿文鴛檣留乳燕
淒絕浣紗人啼妝映不浣淚珠千點通辭微
託鏡瀾銷盡年時怨小風何事吹眉皺依舊
歸舟天遠

翠樓吟
尺邨藤花

珠絡黏霞瓊臺綴粉東風萬紅相倚年涯驚
暗換盪簾角垂垂芳意流蘇春底有倦羽悵
啼閒蜂留睡誰料理晚煙一架比人憔悴
似記嘉侶琴尊對鬱蟠寒碧學成奇字輕陰
圓幾簇尙妝點東鄰花事平原荒矣渺一曲
雲迴雙闌風起休辭醉許郎今日亂愁盈紙

綺寮怨 咫邨夜集用清真韻

墮地醱釀如雪晚鶯呼酒醒尙著眼隔水簾
櫳垂楊色綠上空亭鷗邊新愁已到尊前客
怕拂絲鬢青悄倚闌滿目風花平泉地散落

羈思盈 未省倦游去程吳闔影事何時疊
鼓投瓊翠杓波清十年話帶愁聽沈沈夜鏡
無語總銷盡故園情花飛鳳城東風較夢短
鉛淚零

丹鳳吟和半塘四月二十七日雨霽之

作依清真韻

斷送園林如繡雨溼朱旛塵飄芳閣黃昏獨
立依舊好春簾幙分明俊侶霎時乖阻鏡鳳
盟寒衫鸞妝薄漫託青禽寄語細認銀鉤珠
淚潛透賤角 此後別腸寸寸去魂總怯波

浪惡夜暝天寒處拚鉛紅都洗眉翠潛鑠舊
情未訴已是一江潮落紅燭玉釵恩易斷悔
圓紈重握影娥夢裏知甚時念著

迷神引

戊戌五日半塘老人以清泉辦

香敬祀三閭大夫依屯田體爲
迎神之章率和一闕醉醒清濁
之感未能發抒萬一也

誰與招魂湘皋路零落佩蘭盈渚揚舲縹馬
舊儻何處我思君然疑作斷颿遇懸圃陳辭
後意懷楚日夕靈修感柰何許藉蕙肴芳

旋趁椒漿注又冽泉傾香芸吐白蛻嬰茀古
今恨一時訴望修門獨醒意但凝竚江水沈
沈黑夜猿苦魂兮歸來些颯風雨

念奴嬌 同理臣半塘觀荷葦灣用白石

韻

采香夢醒涉江人不是年時吟侶妮隊鴛鴦
偷眼下狼藉花無重數錦湫風多珠房涼重
那更連天雨江南多恨老仙休唱愁句蒲
暮隔岸爭翻田田新曲斷送簫聲去一鏡鬧
紅誰管得淒入笛船煙浦羅扇單寒朱闌憔悴

悴莫辨移家住殘蟬無賴日斜嘶斷歸路

還京樂和清真

亂蛩絮入夜羈愁似髮慵爲理坐鐙窗無酒
但嫌隔院清歌空費望斷鴻天際西樓鏡約
餘香委舊夢醒銷與點滴江南殘淚記屏
山底有釭花雙照蘭情半掬依前離別氣味
天涯儘說歸期總孤他玉容桃李悵年年猶
去翼窺簾涼螢在水縱約雙魚腹江波不照
愁悴

鳳池吟春冰

步怯瓊妃舊凌波處纈影淺研文漪記玉人
夜嚼潤回香吻涼沁柔肌消受聰明小甌圓
鏡是年時東風解把蘭舟催發無計留伊
懽悰漸冷如水趁茸窗烘硯寫寄相思料傾
脂河畔翠鱗纒上錦字猶遲成片春愁斷紅
和淚蹙流澌銷除未暈壺心玉唾絲絲

解連環 歇 轆

絮花池閣護雙雙畫板淺春低絡笑弄影一
態嬋娟挂不定閒愁燕飄鶯泊莫賭身輕有
人在隔牆窺著放羅衣窄地自整鳳釵鬢蟬

還掠西園俊游似昨委落陰繡柱容易吹
落問甚日重倚春嬌便滿眼相思背面難託
梨月溶溶鎮閒煞東風紅索賸當時手香凝
處細蜂倦撲

卜算子

金冬心紅綠梅花小幅自題云

用玉樓人口脂螺黛寫成舊爲

蔣伯生藏伯生跋贈墨龕太守

有嫁明妃遺楊枝之喻戲拈二

解

翠羽盡情啼茜裏何人妒浮動黃昏暗暗香

不許嫠蟾度 吳苑玉雙身飛並瑤臺路借
問錢塘老畫師誰是吹簫侶
誰賺小紅來誰放楊枝去清笑牆東總未知
枉費何郎句 老子會婆娑不管閒風雨何
似金仙兩手空目斷天花舞

氏州第一 瞻園前輩見示酒邊新作半

塘和之蒙復繼聲用清真韻

輕薄箏塵零亂鈿粉當筵恨壓眉小密緒連
環清吭掩扇淒隔秦天縹緲蕃馬屏風有暗
月窺人偷照玉杵深盟金錢淺擲頓催懽老

八九驚烏依樹少定輸與羈雌鳴繞毳幙
恩新珠田夢遠鷦併歸愁抱惹花前閒淚落
停杯處相看一笑誰打鴛鴦錦塘空孤眠到
曉

渡江雲拈清真韻送客游江左亦勞者

之歌也

新寒羅被覺蔽簾雨急一雁墮圓沙夢醒和
淚別海燕深棲妬入莫愁家啼紅滿鏡悄自
惜薄媚鉛華千萬絲白門楊柳渾未稱藏鴉
空嗟孤飛青鳥雙引黃鸝並頽波東下親

觀著蓬萊塵暗秋鷓文紗迴橈盪作江南怨
破暝色霜在蒼葭惆悵極歸期還問釭花

浣谿沙爲玉遐題紅樓隔雨圖

猩色屏迴十二山鏡中長誤兩愁鸞停鐙猶
待夢輕還 扶枕露香花綽綽竟牀秋浪玉
潺潺新涼分不到郎邊

好事近九日坐天游閣

短髮漸飄蕭欺帽輕飆無力強與風光流轉
欠黃花消息 繞池行怯晚寒生薄酒那禁
得一帶蒼山無語是誰家秋色

減字木蘭花擬樵歌

無愁可解底事年年逋酒債不道愁深夢裏
銀屏夜夜心極天霜信眼看秋山搖落盡
焉用歸舟決駕飛鴻閱九州

鷓鴣天擬放翁

鎮日簪頭壓短垣今年屋後斷潺湲青松未
必妨賢路白髮公然有責言馳驟耳控黃
肩較量百計讓邱樊曝然放杖東歸耳安用
人閒下澤轅

清平樂擬日湖

水沈煙凍嫋斷江南夢
夜夜單衾金縷鳳未
省新愁輕重西樓雁字
行行酒醒越地淒涼
不怨那回輕別只差沒箇商量

步蟾宮

昨宵圓月今宵雨儘猜度陰晴無據沈沈酒
病不成眠籠畫燭銷磨秋句西園一霎衰
紅舞料如水年涯難駐殘秋縱不抵穠春何
苦任昏鴉催去

惜秋華校夢龕社集賦鴈

暮雨南樓鷺聲聲帶得邊愁一片
鞦枕正悽

西風燕歸催換玉關字側黃昏斷影掠鈿箏
心眼年年是衡陽極浦春程流轉千里故
人遠料江湖夢穩不關寒煥滅燭誤秋艣到
酒醒腸斷天涯滿目雲羅莫賺它春波鷗伴
誰慣有長門月明燈暗

齊天樂亭前垂柳珍重待春風九言言

九畫

宣廟御製也懋勤

殿雙鉤裝幅爲九九銷寒圖題
日管城春滿南齋諸臣按日填
注陰晴風雪歲爲故事履劄亭

龍壁山房詩集並載之己亥長

至社集同人恭賦

龍池淺色東風緩春光管城先透三起三眠
一波一磔妝點銷寒時候酥鈿九九換新樣
宮綃墨塵雙逗鵲尾香中幾呵揮翰玉堂手
清吟天上事遠御屏宣侍處玉案茸裏六
瑄光陰百年文物不是尋常懷舊芳韶儘有
瘦夢不到靈和雨滋煙溜自擘落牋細填梅蘂

庚子秋詞

朝中措

粉雲橫界斷霞收
人坐碧谿頭
初蓼淡搖風
蝶衰荷紅背沙鷗
江鄉何處
青山畫扇黃
葉歸舟
自是客心搖落
不關長笛高樓

采桑子

今年歸燕花邊路
眞色屏空
亂葉衰紅
淡入宮眉一兩峰
關河萬里傷高淚
斷送西風
錦字愁通
莫上高樓數過鴻

清平樂

亂雲拂裏
百感新疏
酒愁外
西山如客瘦
一

角修眉還鬪
無言獨立青
落高城畫角
聲
催指與斷鴉
歸路夕陽依
舊宮槐

鷓鴣天

吟鬢飄蕭淚裏乾
沈蓬江海得歸難
卻從九陌游輪路
細憶雙谿短柱船
田水外野香
邊行杯一笑發蒼顏
亂鴉飛盡柴門閉
守著斜陽尙滿山

小重山

雨洗秋姿倚翠微
淡蛾新掃出晚依依
谿山如此未成歸
沙鷗笑客鬢已如絲
不是斷

相思楚蘭搖落後短書稀西風破屐幾人詩
天邊雁零亂不須題

一落索

斜日孤城深閉四山荒翠斷鴻聲外不堪聞
是嗚咽桑乾水高閣清尊微倚促愁成醉
彩雲端不負歸期卻還怕黃昏易

太常引

夜深谿館起微颿天末故人遙叢桂幾時招
夢不到茗南畫橈相逢小泊菊花艣背風
味話持螯斷港乍通潮有三兩秋燈緯蕭

夜游宮

門掩黃昏細雨乍傳出當筵金縷休唱江南
斷腸句小銀箏十三絃新換柱花外殘蛩
絮暗咽斷碧紗煙語愁結行雲夢中路起挑
鐙疊紅牋封淚與

虞美人影

玉妃喚月蓬萊淺鉛水銀河一片夢裏憑闌
人換恩盡宮羅扇妝樓殘照西風滿的的
看花心眼香在紅衣南岸天近微波遠

極相思

麴瀾澄鏡秋磨飛棹紺霞過雙鴛睡足菱絲
宛轉不信風波 一夕行雲無處所舊宮黃
淒損織蛾已涼天氣龍鬚方錦漸漸寒多

戀繡衾

哀蟬簾戶半夕陽漲麴塵窺鏡萬妝甚風起
干卿事讓淩波羅鞵步涼 繡塵盤馬青門
道背西風能理斷狂莫忘了鈿車約夜深月
猶過女牆

夜行船

獵獵涼薰飄晚桂黃昏近酒悲慵理露腳低

飛紅紗香溼都是故宮鉛淚
半壁滄洲殘
畫裏西風咽笛聲不起恨水離煙仙槎何處
卻趁撇波魚尾

訴衷情用夢窗韻

支筇客意倦於鷗飛夢落蕢洲涼風吹墮南
鴈怨入水蒨秋無意緒問西樓舊簾鉤管
絃何處落葉空宮疑碧池頭

謁金門

人去後絲管花房春瘦木客啾啾歌拍手奉
觴千萬壽
城挂離離星斗風咽沈沈街漏

燭影搖紅

淚盡金仙攜槃卻出橫門道涼雲籠鴈鴈啼
秋露泣香蘭笑孤鳳行煙傍晚帶殘夢紅
牆縹緲石鱗荒水西風不管低螢自照

巫山一段雲

珠帳銷春繡金鑪委夕沈禁花零落幾猿吟
容易是秋陰遠黛窺眉小微波抵淚深九
疑山色上屏心惟有夢來尋

品令

翠籠鶯放玉笙喚行雲來往心事一葉宮溝

樣舊香舊色長是妝臺傍
阿濫新催花底唱又窺人眉樣
月斜鐙藥迴秋帳累儂惆悵
隔巷箏絃響

醉鄉春

絮點綠塵凝榭愁見臥枝花亞記錦瑟與人
長占斷眞珠簾下更點畫譙初打不是年
時月夜便相見也尋常一春長是湘絃卸

減字木蘭花

談天有口指點銀餅惟索酒把臂周時身是
稽康七不堪昏鐙照定罔兩何須頻問影

誰是誰非放著青山自不歸

鶴沖天

含笑淺弄妝遲芳事去心時繡鞍驄馬已空
歸還約燕來期鏡屏移花漏永悵望女牀
鸞影自家簾幙夢中逢翻道宋牆東

蕃女怨

謝堂愁絮千萬點吹薄妝靨翠鸞翹金鳳縷
望春春去繞花行近亂鶯聲不能聽

宴瑤池

殘香飄霧青楊路處處押簾花底朱戶無人

住年時幾許銷春素
小槽香眞珠紅注摘
絃柱箜篌自作人語
公無渡西風分付潮回
去

前調

句陳元武相望處暮暮酒闌肝膽畢露流螢
路何人畫取蕪城賦怕重說安西都護青
驄去秋燐自明殘戍風吹雨城頭爾汝昏鴉
語

西谿子

燕趙悲歌人在劇孟舊家傾蓋急呼觴筵未

半箏絃斷酒醒驚沙撲面將恨上高樓望幽
州

四字令

篝鎧穗寒牀書帙殘打窗一葉琤然逗閒愁
萬千谿山責言蘅蘭厚顏夢中羞渡桑乾
有秋前淚酸

十二時

煙塵長望無情清渭東流不復淒涼杜陵叟
自悲歌同谷月苦霜鯨車轂鯨忍淹留柳
新蒲綠呼風鳥何處黯一堆金粟

西江月

待闕鴛鴦社散移家燕子巢寒傷春人在醉
醒閒酒冷花飛人遠山枕一春無夢水堂
兩處憑闌軸簾來與理琴絃心翦東風俱亂

憶王孫

煙中玉笛暗飛聲艇子撐開一道萍屬玉鴉
鵲相向明倦逢迎惟有沙鷗不世情

醉花閒

斜日屏山愁暗隔滄波殘畫色箏鴈不飛回
絃上西風泣郎居金鴈驛一紙經年得相

從無兩翼夢中新識路依稀又移軍關塞黑

慶春時用晏小山韻

黃昏過後心頭眼底一味清寒前懽記否衣
香絮點春影小長干吳歛聽斷催拍誰點
弓彎雕櫳近底娟娟凍月還當翠眉看

甘草子

秋暮夢醒殘蛩絮語沈香戶黯墨不成書天
遠吹笙路今夜漏迴鐙昏處問倦客歸程
誰數無限秋心鴈將去付楚天涼雨

虞美人半塘欲爲校夢龕圖偶得明王

綦秋林茆屋小幘因以充之

江籬搖落知多少一卷傷心橐
霜紅掃盡見樓臺贏得百年
縑素爲君開賺人詞賦哀
時淚迸入迴腸碎墨塵已
共劫灰寒小几秋
鐙依舊對長安

酒泉子

歸燕蹋簾花暗卓香車路斷腸
時攜手處又窺匳一春緘
淚與江南撩亂謝孃心曲玉
璫回銀沫蹙是空函

思越人用馮正中韻

布被心情惡寒夜聳作詩肩削青琴碎卻大
招零落笑抗疏功名輸紙薄萬感幽單長
淚閣微睡著有莊舄吟聲依約

遐方怨

官柳綠水蘼紅淚睫聽鶯謝孃春來歸思慵
不如梳子兩心同夜涼雙鳳語蜀絃中

梁州令

莫怨藍橋飲醉盪珊瑚難枕鵝屏夢隔蜀山
青誰家啼溼江頭錦金蟾齧鎖知誰禁溝
葉殘紅浸青娥揮淚因甚西風瘦卻東陽沈

鋸解令

醉和雙燕別西樓醒不記當杯淚滿花前空
解唱迴波盪一片舊愁不轉亂絃鞦徧那
是歌頭嬾換離筵索性送殘春拚得是墜紅
見慣

望江南

鐙下坐鐙外月平西陪伴閒愁偎幙燕護持
薄睡鎮帷犀纔得夢來時鶯喚起花絮晚
春迷枕雨有痕潮半裏鏡瀾無力熨雙眉不
是爲單棲

玉樓春

銀屏夢比游絲短。蟬黛拂梳鬢。鏡煥兩蛾貪
學遠山長多少。春愁盛得滿。書來不是懽
期晚。縈繫愁腸千萬遍。相思字字盡無憑。此
後南樓休過鴈。

分明錦瑟妝臺畔。夢醒江南天。樣遠換成潘
鬢鏡。能知瘦盡楚腰裙。不管情多莫恨相
逢晚。手撚紅香珍重看。明朝剗地有東風。百
瑣千觴無處勸。

金翹峨眉髻。侵晨縮沈水玉鬢。嫌綆短染絲火

急上春機不待洗多紅色淺
擲梭光景催
春晚北斗挂城聞漏板挑鸞作綬寄桃根好
與君心同冷煥

前調和小山

妾心宛轉機中素郎意參差箏上柱
機花無蒂斷能連箏鴈有情飛不去
春風未許花閒住小語牽衣空絮絮
歸期早晚問君心羞揀鬢邊雙朵覷

雲屏入夜笙歌靜不許愁人愁裏聽燕歸
花底語言工酒到月圓時候醒
盈盈恨靨還

窺鏡未信恨多銷鬢影五更簾外又東風明
日南園花落定

慊慊別酒黃昏醒步繞西池波似鏡弄青梅
子雨添酸辭帶櫻桃風剗淨 蟾華還照深
深徑惱亂歸期歸未定夢沈雙藥蠟鐙紅寒
重半牀羅被賸

大堤油壁車塵軟雙衷越羅春水染蘭叢啼
眼幾時晴桂葉妝眉前度淺 丁丁夜漏侵
瓊管微醉歸來熏麝晚小蟾如鏡莫窺眠曲
曲屏山親手展

菊花新簡萬薇生太守

粲夜釭花明古巷驄馬連錢驕錦障一笑試
春衫翻舊繡天吳花樣十年身世牽塵網
夢初衣故山凝望黃蘗染絲無須料理畫羅
秋桁

睿恩新

歸鴻心事比雲冷殘淚點逝波俱凝儘霜楓
強弄春紅一葉葉暗彫心影夢裏若耶如
鏡秋水淬劒花霜瑩待明朝歸事猿公更手
種菱絲萬頃

鳳銜杯

深情只有雙雙燕尋夢到謝家庭館難得池
頭新合吹簫伴都解惜斜陽晚越山長楚
天遠應拚得怨紅啼斷今日把君細字香牋
展纔媿相思淺

前調哀山陰王郎中煥

幹難河北陣雲寒咽西風鄰笛淒然說著舊
恩新怨總無端誰與問九重泉悲願景悔
投牋斷魂招哀迸朱絃料得有人收骨夜江
邊鸚鵡賦誰憐

秋夜雨

角聲四起黃雲霧
人閒休問何夕東風輕薄
意惱亂到飄花詞筆
玉龍怨曲吹香遠甚
處探梅藥消息酒罷清
淚滴背燭檢漢家新
麻

一翦梅

西北高樓眼倦橫
路斷凌波誰喚飛瓊翠禽
啼暝小山屏步玉人稀
一鏡塵生 惟有梅
花不世情夢別江南
淚接春程犯寒玉笛爲
飛聲訴與東風還是飄零

摘紅英

關雲黑邊沙白金仙一去無消息誰家唱箏
絃響勅勒聲聲月斜瓊帳狂蹤迹無人識
行歌帶索長安陌高樓上憑闌望阜雕沒處
飛狐上黨

茶餅兒

十載輕衫塵泥逗鄉心玉梅疏朶花魂誰與
招清些便料理五湖單舸雪窗月明愁臥
夢東風灞橋春鎖熏籠偎夜培殘火尙煥得
數椒紅破

醉垂鞭

酒醒冷香侵西池上花三兩小萼漸宜簪一
雙驕翠禽落梅風漸大恩恩過又春陰祇
有惜春心比春無淺深

浪淘沙

自題庚子秋詞後

何止爲飄零相伴秋鐙念家山破一聲聲銷
盡湘纍多少淚不要人聽蛩駝若爲情哀
樂縱橫十洲殘夢未分明休向恨牋愁墨裏
畫取蕪城

春蟄吟

八聲甘州 酬瞻園

斷西風破屐故山心驚寒鴈無行正分攜吟
筆金城柳老玉露楓傷漫問京華倦客酒醒
是何鄉秋滿人閒世一變滄桑 飄盡輕鷗
蹤迹甚倚樓看鏡猶費商量伴江湖殘淚叢
菊爲誰黃且臨花危闌高處有長繩還是繫
斜陽休輸與坐高齋夜壺箭催忙

尉遲杯 今年烽火中促舍弟重叔南歸

倚聲爲別慘不成章天寒歲晏
稍得消息偶憶斷句足成此詞

穎濱對牀之思杜陵書到之痛
重叔讀之當亦洩瀾之橫集也

危闌凭看一點南去飄鴻影秋聲萬葉霜乾
天角陰雲籠暝孤衾夜擁殘燭颭參差客愁
醒又爭知痛哭蒼煙野風獨樹吹定應念
北斗金華空腸斷妖星戰氣猶凝心死寒灰
都無著將恨與哀笳亂迸何時送雲帆海角
更假傍天涯泣斷梗問何如杜曲吞聲紫荊
吹老山徑

天香鹿港香

碧鷓收斑玉龍翦唾如雲細屑誰碾小炷沈
馨雙煙同氣蕩煥淺春一線花風送處疑悄
度漳蘭新畹著指臙拈銀甲入懷尙溫珠串
蠻薰暗愁宛徧料西家翠奩春換縷縷海
東雲氣半迷殘篆俊味衣篝宛在怕難喚蓬
山倩魂返待寄相思蘅蕪夢遠

水龍吟
唐花

夢華不醒愁春探芳別有千紅地是空是色
瑤姬酒重維摩病起羯鼓聲中紅旛影外東
風凝睇笑鮀華占否閒蜂浪蝶空撩亂冰霜

裏聞道唐宮翦綵好簾櫳盡情妝綴輸他
爛漫香雲一窖先春花事火速年芳冬烘心
性優曇身世問高樓怨笛黃昏叫裂著梅花
未

摸魚子冬筍

怪尊前食單寥落蔬香誰侑秋筍青籠緘恨
槎風遠愁說太官宣取消息誤怕江國頭番
春已無尋處詩饒最苦任凍圃泥香煙林雨
足望得燕來否鄉園夢咀嚼冰霜幾度櫻
廚風味輸與蟠胸千畝輪囷甚根節歲寒休

負茗岸路問那得明朝便脫春衫去天涯寄
語待冰蘚親鋤玉纖細擘還配鱸魚煮

桂枝香銀魚

丁沽汎曉正水市販鮮烏板船到戢戢銀刀
恣躍仁拋煙罩長安近局銷寒夜問尊前玉
涎多少銀盤催飮詩饒慰否漫吟白小記
鄉味羹調宋嫂幾停筯思量應是歸好客話
嫩隅聽徧正悽懷抱冰鮮夢斷天廚賜檢食
單零亂慵草御牋沫冷清愁好託玉鱗緘報

驀山谿

哀絃促拍袞徧伊州破誰換小梅花夢橫枝
夜寒香爰年時風雪三九最關情修竹外綺
窗前幾許閒功課如今憔悴花抵人愁麼
已辦醉如泥甚尊前猶分蛤蠃江南書到鷗
鷺尙平安雙蠟屐一漁蓑何日真還我

絳都春和日湖

東風信轉怪冒香裊薄怯試餘寒誤了鏡華
非花非霧舊情閒芙蓉不信傷春淺怨紅淒
入雙鸞夢雲回後慵拈帶繡自剔釭蘭未
料屏山近底尙支愁酒力渴淚綃痕斷譜細

商秦箏斜柱鴈塵昏春心一夜無人託負他
明月愁鵲桂宮羞數年時露粟半闌

金明池

半塘賦春明花事六詞依調和

之其一扇子湖荷花半塘詞序曰東華塵

土惟四時芳事差可與娛三百

年來名流觴詠屢矣今年夏秋

以還高臺曲池禾黍彌望遑問

一花一葉哉春風當來舊游如

夢閉門蟄處益復無聊偶憶屐

齒常經芳事最盛之處各賦小

詞以寄遐想蓋步兵之堂既窮

曲江之吟滋戚已嗟乎慈仁之

松廉野之柳足以堅歲寒而資

美蔭者既邈不可得卽秋碧春

紅媚茲幽獨亦復漂窳如此

風月有情當亦替人於色也

裂帛通波褰裳喚侶望極瑤池路近塵不到
冰匳半展露微泣粉靨未褪是何年錦幄牽
絲占畫裏三十六陂芳訊看倚蓋亭亭鴛鴦
無數未許浚波人問 拗折西風絲寸寸漫
覓醉仙漿碧筒深引霓裳舞今宵疊徧槃淚
影明朝吹盡儘相思太液秋容但墜粉空房
石鱗沈恨怕玉井峰頭月昏煙淡翠被餘香
愁損

大聖樂法源寺牡丹

酣酒妝穠摸碑廊靜梵天春晚記舊游側帽

西闌自翦露華不負看花雙眼煥玉倚雲嬌
無力著人處天香吹裏滿忘歸去對油幙半
開日斜經院鶯花正愁夢短奈一例華鬢
催劫換傍石幢涼雨殘僧還說沈香新怨淚
溼洛陽東風譜怕銜盡薦紅成鹿苑傾城恨
也惆悵避風臺淺

帝臺春豐臺芍藥

方罨曲折花農舊生活穀雨半晴繡檻爭移
宮衣微脫插帽傳牋一笑處儘消遣謝郎吟
篋甚而今廢綠平煙祇聞鴉鳩塵影瞥迷

眼纈淚點疊漬鵑血怕婪尾年芳近斜陽候
不是等閒離別何況東風往來路都換鈿轅
舊時轍賸一片瓊田渺春人羅屨

八犯玉交枝寄園朱藤

塵糝荒闌凍蘇香纈又簇淡陰雙架簾卷交
枝紅到眼舊恨滄桑飄惹年年春晚爲花料
理琴尊題襟還喜依鄉社葉底翠禽聽慣茶
香情話誰信步屨東風綠雲黯損蝶蜂重
到應詫俊游換誰家芳事浣不盡蠻薰凝榭
料花外白題舞罷牽蘿人泣媚娥夜況酒醒

秦郎玉牋淚溼愁難寫

園今爲浙江會館去
年德意志兵據之

夢橫塘野鳧潭蘆花

釣絲秋雪履迹斜曛野塘涼意初著影沒鳧
翁換蒲稗春波緜邈低艇誰移短移孤坐鬢
霜驚覺又迷茫萬點做弄新愁還飄到閒池
閣微波自不通湖甚驚塵亂颭冷絮迴薄
卷葉西風輕和入數聲哀角更休問江湖鴈
影眼底秋心仗誰託夢裏滄洲一般清淺有
紅桑花落

夜飛鵲花之寺海棠

東風背人去，邀步嬋媛芳。靨淺照禪天花宮，
攜試小蠻梳。潮紅輕鬪，酡顏傾城鎮，無語似
凝酥。妝薄擁髻，啼慳綠章，再乞背斜陽，還護
珠旛。何事萬姝嬌困，無路問行雲。十二巫
鬟說甚，平泉如夢，人天一例劫換華鬢。錦城
舊恨，付碧雞坊底詩顛。賸深宵孤照銅槃燭，
淚淒伴金仙。

鷓鴣天

好友同居亦當家。瑞安黃占薌。

先生庚申京邸除夕句也。庚子

歲除與忍盦同居四印齋。鶯翁

詞成索和遂拈作歇拍蓋樂句
事情適相合也

淚盡東京說夢華敗牋殘墨送生涯沾唇香
乞迎年酒到眼紅憎魄歲花無一語但長
嗟短檠挑盡又啼鴉莫嫌歲事郎當甚好友
同居亦當家

玲瓏四犯依白石雙調題春明花事詞

後

展齒舊香塵紗殘墨游蓬芳事如水故家煙
月在耐得闌干倚提攜自憐影底有東風伴

人垂淚夢裏嬋媛劫餘鶯蝶知我孽賤意
天涯望春歸矣問尋香杜曲新恨誰理眼看
詩酒瘦應接鷓鴣聲裏莫教秉燭西園夜但攀
摘尋常桃李須記起春根在干紅舊地

淒涼犯漸西邨人富春臥游圖爲袁仲

默叔攜兄弟作用白石韻

清琴怨入西風後凝塵涴斷冰索大招賦否
江空歲晚數聲哀角蛟龍氣惡黯千里鄉心
繭薄怪飄蕭谿山破墨一鴈度空漠腸斷
桐君未偶世餐霞頓更哀樂故山夢短迸驚

絃廣陵搖落一葦延緣料晞髮吟魂戀著聽
松聲七里瀨尾斷舊約

解連環

元夕用碧山韻

翠屏香寂又銅壺促晚妬雲慵坼記夜娥坊
陌年年換幾度風光暗羅塵額盼極嬌娥爲
點逗六街春色甚青鸞信渺鈿軸巷空墜懼
輕擲滄洲半迷舊國正銅華寫照天上愁
憶想淚鉛滴盡方諸也淒對金仙暫時將息
小影山河莫唱入吹梅哀笛背殘鐙有人擁

裏夢尋冷驛

玉京秋用草窗韻

芳意闌懽場舊鶯燕舞絳歌切風懷幾許愁
書花葉一曲紅牙妙譜記當筵催按迴雪倦
情別隔年沈恨覆杯慵說不是清狂重怯
寫琴心六么漸缺斷夢樓臺中年絲竹不禁
衰歇頭白龜年尙解怨天寶淒涼時節笛聲
咽誰傍宮牆暗月

金縷曲落梅用竹山韻

凍羽寒窺屋傍黃昏聲聲似訴麝塵驚撲飄
粉樓臺相思夜銷瘦仙姿萼綠漸淚點殷沈

紅菽滿地珊瑚無人掃占霜天做弄傷春局
空颭影對殘燭落鬢尙綴交枝玉問何時
宮妝點額鏡盟重卜多少飛瓊經年恨寫入
滄洲賸幅怕還被東風拘束冷落雪香亭前
路換青禽與聽銷魂曲腸斷盡委橫竹

月下笛用玉田韻

廢碣棲煙清鐘度暝舊攜筇處沙禽細響猶
戀東風去來路平蕪先作傷心碧悄不管連
天恨雨儘闌干拍徧孤雲一逝亂山無語
情緒斜陽暮莫輕惱天涯舊鷗新鷺經年斷

旅再來情味淒苦花前不是傷春病問隔座
流鶯會否待訴與庾郎心惟有衰楊一樹

尾犯用夢窗韻

一笛落梅風虛館夜分春思飄越門掩沈香
亂鐙花成纈歸燕晚文梁未掃斷鴻驚空絃
盡折舊情無據老去杜郎惟有吟聲咽秦
箏圍繡屋應未解恨輕別亂草昏煙斷相思
天闕數前事參差流水拍闌干清鉛暗結累
人愁悴不是向來團扇月

陌上花用蛻巖韻

籠鶯喚起屏山殘睡眼前春晚點絮年光銷
與謝孃池館惜芳牋管成何用花外東風悽
斷占新陰未穩淚鉛無數夢雲飄散苦相
思瘦損宮腰幾許寬卻羅衣一半未必天涯
省識忖寒量煥經年裏損調箏手塵滿十三
金鴈勸愁絃漫傍綠窗殘日舊情真嬾

念奴嬌 二月十二日妙光閣下感賦

青松冷日甚推排不去無情春色強與風光
流轉處依舊清明寒食戍鼓樓臺佛香塵土
三兩初鶯識琴聲悽斷斷腸花外殘客天

末誰爲招魂薜蘿山鬼哀些空吟得儘有貞
元朝士感白首同歸尤惜舊頓天寒新亭日
暮淚盡山陽笛滄桑何事出林煙磬初寂

惜秋華 西鄰海棠盛開對花醒坐賦呈

主人

繡幄春姿倚東風似惜傷高心緒零亂露痕
清宵醉溫簾戶銀臺灩入仙霞照不穩傾城
眉嫵銷春是秦箏亂咽新聲金縷 花恨寄
何許醉聞情尙怯尋常尊俎短夢殢流水逝
錦悽香苦相思說與華清怕夜深睡魂誰主

無語拍闌干自尋愁句

長亭怨慢和忍盦春盡書懷之作

再休問愁邊鷗鷺月冷沙昏夢歸何處故苑
滄波爲誰綠到舊游路石鱗風起嗚咽作前
秋語流水不參差莫沈了一分塵土前度
有天風瑟瑟日夜步虛來去新蒲細柳問誰
信好春無主恨雙燕不把斜陽細說與碧窗
煙霧只翳鏡飛紅遮斷凌波新步

彊邨詞賸稿卷一